

علی سعاد

بیاضام

در سعادت — قناعت مطبوعه سی

۱۳۳۲





بر بوجوق سنهیه قریب مدت ، عمریمک اک مهم
قسمنی ایچنده کچردیکم نجدی آرتق ترک ایدیوردم .
اک مهم قسم دیمکدن مقصدم ، اوکوزهل اولدوغنی قدر
حزین ، واوزاقلنی قدر متروک بریرده ، باشقه برطرفده
کچن حیاته هیچ بکزه مهین وبوحالیله برخصوصیت
غریبه عرض ایدن جهان دیکرده یاشامش اولوق حسنی
بیان ایتمکدر .

طاوانسک اورتیه سی کمرلی سالونم ، قرق ساتیمترو
مربعی یالکنز برینچره یه مالک یاتاق اودام ، حورما
دالرنندن پک کوزهل وصاغلام یایلمش قاریولام ، سالونک
بیاض بادانالی دیوارینه امله آصاراق اون بش آی مدت
قارشیمده یاشاندیغ استانبول مناظرینی کوسسترر رنکلی
درت قارت پوستال ، یازین یکانه ملجأم اولان قاراکلوق
وعقربلر کذرکاهی سردابم ، صوکر او، کوزمده اوزانوب
کیدن حورمالقیر ، سس سز آقان ، غائب اولان منبعلر ،
قویو ماٹی سمانک آلتنده صاراروب بعضاً پنبه له شن

چولر، سوکرا، دوکولم ش جام کبی اینجه و صاف قومک
اوزرنده نوبهاری اعلان ایچون سبز و متبسم چیچکلر ،
ییتمز توکنمز قبائل غنولری ، چولده ترک ایدلمش
خسته دوه ، محبوس ناحیه مدیری، جاهل قاضی ، اوکله
وقتی سرخوش مأمور، سکز بیک لیرا سرمایه سی و حتی
حیاتی دیون غیر منتظمه یه کچمش متعهد ، بن نجددن
چیقدیغ ایچون مملکتی ترکه قدر واران صادق دوست ،
(متوت) دنیلن اوافق قورو بالقلری هاوانده دوکدرک
اوزرینه صوغان دوغرایوب لمون صیقدقن سوکرا
بونی حورما ایله ویاساده صوده حاشلانمش پرنج ایله
یین اهالی ، بیت الماله کیره ن پاره یه مسکرات رسمی
قاریشیق دیه معاش آلمایان عالم ، قونوشورکن باشندن
حشرات طفیلیه طوتارق یره آتان بدوی شیخی ، قویون
ویادوه کیکنندن معمول قیصه جق چوبوغنه فنا قوقولی
توتون قویوب ایچن عرب ، آیده بر، نهوی باصیلوب
حورما راقیسی کوپی وانیتی قیریلان یهودی ، ح .
افدینک نه ونده کی غراموفون، بغداددن کلش یهودینک
ایکی تلی کمنچه سنی دیکله مک ایچون مسامره ، بعض
مأمور چوجوقلرندن عبارت آلتی شا کردلی مکتب ،
عسکردن چیقمه سینوبلی پروکار ، امی اولدغی حالده

نجددن عودت خاطرآتی

« قالكوتا » ي انكليز شيوه سييله تلفظ ايدن تاجر ،
قرق سکنز ساعت آچ ويكرمی درت ساعت صوسنز
حالده چولی یايا كچهرک قصبهيه واصل اولان بدوی ،
قاقوله لی وزغفرانی ساده قهوه دن باشقه عمرنده ایچی
بیلمه ین نیجه انسانلر ، بحرین طریقله بصره دن کلیرکن
یلکن قایغنده ایصلانارق محتویاتی اوقونماز حاله کلش
پوسته چانطه سی ...

بونلر هپ نجد خاطرآتنك برنبذه سیدرلر ! .

*

**

۴ مارت ۱۳۲۷ ، جمعه ایرتسی « هفوف » دن
حرکت ایده بیلیمك ایچون اشیامی ایکی کون اول قالقن
قافله یه تودیع ایدهرک برابرمده یالکنز ایکی اوچ چانطه
وسیاحت قاریولامله برده ما کولات سحاره می
آلیقویمشدم .

اوکون ، نجد قوماندانی شهید عالی همت عباس
حلمی بکی یریمه بالتوکیل مشار الیه ده برابر اولدینی
حالده یتیمش استر سوارلی برمفرزه وایکی ضابطله صباحلین
اذانی ساعت اوچده « هفوف » دن چیققدق. حورمالقنر
آراسنی قطع ایدهرک ایکی بوچوق ساعت سوکرا ناحیه

مرکزی اولان « جفر » ه کیشدک . بوراده اوکله ییکی
 یینلیدی ، قونوشلیدی ، تشیيعه کلنره وداع ایدلیدی .
 اسکله یه ایش ایچون اینه جنک اولان قوماندان عباس بک ،
 بلدییه رئیس ، وساحله قدر کلک ایسته یین بعضلییه یوله
 چیقیلیدی ؛ (سبعه نقیرات) ، (اعلا) کبی عارضلی یرلری
 کچرک غرو بدن بر بوجوق ساعت اوله دوغرو «سبخه»
 ده نیلن منحنط و طوزلی چول اوواسنک او بر باشنه کیشدک .
 چادرلریز قورولارق سرین وراطب بر هواده اشتها سزجه
 اقشام ییکی یدک . قرار کاهمزک بر قاچ یرنده علی الدوام
 آتش یانیور ، وقهوه پیشیریلوردی .

ساعت اوچده چادریمزه چکیلدک ، برمدت صوکر
 یولارندن بوشانارق اطرافده سکیرتن خویسز بر استری
 طومتق ایچون ایدیلن کورولتولر ایچنده او یاندم . بوکولونج
 وقعه یارم ساعت قدر دوام ایتدی ؛ بوندن صوکر
 او یومق مشکلشدیکی ایچون کینه رک چادر دن چیقدم .
 یقینمده یانان بو یوک بر آتشک یاننه کیده رک ایصنمق
 وقهوه ایچمک ایچون مسافر اولدم . طاک یری آغیرمش ،
 قمر غروب ایتمک اوزره صارارمغه باشلامشدی .
 چولک فجر وطلوعنی قانه قانه سیر ایتدم . طبیعتک دائما
 زنکین وهر وقت کوزهل اولان شعر بی نهایتی ، بو

وحشت آبادك بر قوم بیغینی ایله رنكسز سماندن عبارت
اسکی ایکی قماش آراسنده ینه مونس رنكلر ، بسیط
فقط صمیمی و آهنگدار لوحه لر نقشندن کری قالمیوردی .
مغربده صامت و لاقید اولدوغی قدر آبدال وصولوق
چهره کوسته رن آیک افقه یاقلاشدیجه بویویور کبی
کورون منظره سی ، مشرقده اولا دونوق بر اینجی
رنکنده دومانسی بر بیاضقله افقی او یاندر ارق تدریجاً
آچیلوب پنله شن پری شمسک پارلاق و اینجه لباسی نه قدر
کوزله وحسپرور ایدی .

صباحك اون ایکیسنده حرکت ایتدك .

بو وحشی و چپلاق اولدینی قدر چیرکین و عارضه لی
قوم ده کزینی ، بو بر چوق قتل و نهب نجاینگ صحنه سی
اولان فنا چولی بو کون آلتنجی دفعه اوله رق کچوردم .
بو یولده او کونه قدر قاچ کر بان صویولمش ؛ نه قدر
اموال و نقود ، بدویلرک ییلان قورصانغی قدر اوزون
بوغازلرینه کچمش ایدی . ائک صوک و قعه ، ۱۳۲۵ مایسنده
« جسرة بریمان » ده نیلن یوکسه ک نقطه ده « بنی هاجر »
و « المناصیر » عشیرتلرندن ایکی یوز قدر شقینک اسکله دن
کلن کاربانه هجومی و محافظه سنه مأموراً کونده ریلن ۱۵۰
استر سوارک ، قوماندانی بیکباشی عثمان اقدی بی شهید

ایتمک صورتیله تارمار ایلمه سی ، و ۱۲۵ تفنک ایله ۹۰ قدر استرک ضیاعی ، پیشدارک محو واتلافی ، قافله نك باشند باشه یغماسی ایله ختام بولمشدی. نجده بووقعه دن آلتی آی سوکرا کیتدیکم حالده تأثیرینک حالا باقی اولدوغنی کورمشدم . عسکرک سبب انہزامی ، شهید عثمان افدینک جهلی ایله برابر فضله جسارته معطوف آتاقلنی ایتمش .

بز بو « جسرة بریمان » تپهسنه چیقاراق قوماندان عباس بکله ناقینیرکن بریسی « قوم کلیور ! » [*] دپه ناغیردی . پک غریب بر تلاش ، مفرزه افرادینک چهره واوضاغنده بلیرمشدی . بوخبره هیچ اینامایارق اطرافنزه دورینله بر آز باقدقن سوکرا یورودک . زواللی شهید عالیجاه عباس بک ، بو حالدن ، روحلره یرلشمش بو قورقاججه وهمدن ، شجیع وکنزیده بر ضابطه یاقیشه جق درجده متأثر اولدی . قیزاردی ، آغلیه جق حاله کادی ؛ فقط هیچ بر شی سویله مدی . یوتقوندی قالدی . بو حاللردن صوک درجده متنفردی .

یولنزه دوام ایتدک . نجد لواسیله ساحل آره سنده کی مسافه نك اک یوکسه ک نقطه سی اولان بو (بریمان) دن

[*] یعنی دشمنی

اوزاقدن اوزاغه ده کیز کورولپوردی. اوچ ساعت دها کیده رک، کاربانلرک دائماً توقف ایتدکلری بر نقطه اولان (پسیتین) ده هیچ دورمیه رق بر آ ز یو کسه که دوغرو چیقنجه او کمزده ایجه ایلرله مش کیده ن درت (عکیل) [**] دن بری کری دونه رک و آخی بزه دوغرو قوشدورارق آجی آجی باغیردی ؛ « او کمزده قوم وار ، چوق عرب وار! » دیدی. حرینی بر قاچ کله ایله استجواب ایتدم . اولیه بر شی هر حالده کوردم دیپوردی . بزدن ایلری کیده رک اولدقجه یقیندن معاینه ایتسنی سویلیه رک صاودم. عباس بک متأثر و متهوردی . بر تپه یه چیقه رق افقه قدر باقندق . ق الحقیقه پراکنده طاقتلر حالنده برچوق شی کلپوردی ؛ فقط بو ، اسکله دن اوکون حرکت ایده جک اولان بویوک بر کارباندی . داغنیق و آهسته روان کلشی اونلرک دشمن هاجم اولما دقلرینی بک کوزهل آ کلاتیور ایدی . دونوب کلن ، قوماندانک مدهش بر تکدیرینه اوغرادی ؛ وظیفه سندن محروم قاله جنی خوفنه دوشدیکی بللی ایدی . قافله ایله قارشیلان شدق ؛ بیک قدر دوه

[**] بونلر بر نوع یرلی ژاندارمه در . قلاغوزلق وسا . عیلکده استخدام اولنورلر، قیافت اصلیه لرینی ده کیشیدر مضرلر، نوبت بکلهمک وساثره کبی افراد وظائفنی ده ایفا ایتمزلر .

ومرکب، عسکرک بصره دن کونده ریلن ارزاقی یوکه نمش،
آغیر بر مشی ایله کلیوردی .

ایکی ساعت صوکراده « عجیر » اسکله سنه واصل
اولدق. کیجه « سبخه » ده پک آز او یومش، و صوکر
یدی سکز ساعت استر اوزرنده کیتمش اولدوغم ایچون
یورغوندم .

« عجیر » ینه او اسکی خان ایله برده اوفاق قلعه دن
عبارت حزن فقیرانه سیله بزی قبول ایتدی . یی قیق
اسکله بر خرابه اتقاضی کبی ایدی . یی بنا ایدیله جک
ناحیه حکومث نه وینک تمللری قازیلوردی . خانک
اورته سنده کی کنیش حولی ، حورما ، پرنج ، حصیر ،
قهوه و سائره کبی شیلرک چوواللری و دنککریله دولو ایدی .
دیشاریسنده عسکر ایچون کلن اون ، پرنج ، استرله
آرپه کبی ارزاق ییغلمش ایدی . فقط « عجیر » هر تورلو
آنار عمران و تقدمدن ینه محروم دوریوردی . طرز قدیم
اوزره احتساب رسمنک لغوندن یدی آی صوکر ایکی
مأمور کله رک کمرکی تأسیس ایتمش ، خانک قایبسنده کی
اوداده کمرک معاملاتنی باشلامشدی .

ایکی مأمور لر خانک زندان کبی قارا کلک بر او طه سنده
اقامت ایدیورلردی . فقط بو اداره آیده آلتی یوز لیرا قدر

واردات یاپیوردی . یعنی پاراسی واردی . بونکله برابر بزینسه لاقیدلکدن و کوچبه لکدن قورتولامیوردق . اون بش کونک ایرادینسه قییارق بر کمرک دائره جکی یاپامیوردق .

« عجیر » ده ایکی کون قالدق . عباس بک ارزاق و سائره ایشارینه باقدی . بر کون اول « قطیف » و « قطر » مفرزه لری اولان قطعهرینه التحاق ایتک ایچون بصره دن کلن اوچ ضابطی آلدی مفرزه سیله « هفوف » ه دوندی . بوزواللی ضابطلر « بحرین » ایله « عجیر » آراسنده کی اوتوز سکنز میللک مسافه نی یلکن قایغیله کچمک ایچون اوچ کون ده کیزده قالمشیر . بونلردن اول کلن ژاندارمه طابور قوماندانی ایله دیکر بر ضابط آرزقالدی باطیور لر مش ، فورطنه لی بر یاغمورک آلتنده وده کیزک ساحله قریب اک فنا بر یرنده بوتون کیجه قالمشیر .

« عجیر » دن « بحرین » ه کیتمک ایچون اوراده موجود یلکن قایقلردن « بوم » ده نیلن بیچمده کی ، یعنی اک کوچوک بوی اولان « جلبوت » ک بر آزاباجاسنی طوتمشدم ؛ فقط دهها حموله سنی چیقارمقله مشغولدی . مع هذا او آقشام بر فورطنه قویدی . قاچ کوندر دوام ایدهن لودوس روز کاری بردنبره پویرازه دونه رک

سرت ویاغمورلی برحالده اسمکه باشالادی . شیمشکلر،
ییلدیرملر کتیردی . بر ساعت سوکرا کچدی .

بو آقشام «عجیر» لیماندن چیقارق دیشاریده «مفرز»
ده نیلن نقطه ده کیجه ملک و بوسورتله اوچ ساعت قازانارق،
ایرتسی صباح ایرکندن وحقی وقت فجرده بادبان کشای
رحات اولارق - ا کر هوا مساعد ایسه - او کون
اوکلهدن سوکره «بحرین» آطاسنه وارمق فکرند
ایدم . کیمیز حاضر لانیمشدی، اشیا من هب یو کله تیلمشدی؛
فقط فورطنه نک شدتی چیقما منزه مانع اولدی . بونی تی
ایرتسی کون ایکنندی اوزری اجرا ایده رک لیماندن
چیققدق، پوسته قایغی ده اویله یامیشدی . کیجه اولدی،
روزکار حالا بزه مخالف أسه ن پویراز ایدی . فجره قدر
اولدیغمز یرده سالالاندق . النهایه فجرده هوا کسیلدی ،
بر آز سوکرا بزه موافق اولان غرب روزکارینه تحول
ایتدی . چهره لریمزده کی علامت سرور هم بلیغ
ومعنادار، همده کولونج ایدی . روزکار واقعا بزه پک
موافق بر «ولم» [*] ایدی . فقط بو عصرده ، بو

[*] اصل معناسی وصال واجتماع دیمکدر . موافق هوا
قاووشمنی تأمین ایچون اولملی که کیجیلر بونی بر اصطلاح اولارق
قولانیورلر .

زمانده بر روز کارک جهت وزانی بزى مسرور یا خود
مایوس ایتملی می ایدی ؟!

صباحك اذانی ساعت اون برنده یلکنمزی آچدق.
کینک آرقه طرفنده کی یوکسهك قسمنی بن اشغال ایتمشدم.
برابرمده (قطیف) ه کیدن بر مأمورله برده هفوف
بلدیہ ریسی وار ایدی . او یوکسهك یرک آلتنه کلن پک
باصیق قسمده ایسه نجد ناحیه لرندن برینک . مدیری
ایکن انفصال ایدهن زواللی بر کنج ایله اوچ چوجقلی
عائله سی وار ایدی .

حرکت مزدن بر آز صوکرآ عادت اوزره قوزی
کسیلیدی ! کینک ارجانی ، اودونی ، و بزیم فضله اولارق
مطبخ طاقمز وار ایدی . یمکله پیشیریلیدی : قوزو
قیزارتمه سیله پیلاو و حورما یدک ، آریجه کولباستیلر
بیله یاییلیدی . ساده قهوه لر اوچ نوبت ایچیلیدی ! (نوخده)
یعنی قبودان ، هر نماز وقتی اذان او قویوردی ؛ یدی
طائفه سیله بزردن مرکب هیئت جماعته نماز قیلوردی .
کنج قبودان او کون جمعه صبحی اولدوغی ایچون
چکمه جه سندن مصحفنی چیقارارق قرآن او قودی ؛
چکمه جه یومیه دفتری ، حسابی ، سیر و سفر اوراقی
وار ایدی . بو آداملر جمله " قطر " لی ایدیلر .

کیمز اون آلتی طونلق ایدی .
 اوکله دن سوکرا ساعت سکنزه قدر غربی هوامزله
 کیتدک . « بحرین » آطه سنک قسم غربیسی هپ
 کوزو کیوردی ، بو طرفدن اکیقین قریه سی اولان
 « عکاریه » بی تماماً کورویوردق . فقط هوا تدریجاً
 آزالارق برمدت قصیره ظرفنده بوسبوتون سوندی .
 برچوق دفعه یلکنی ده کیشتمه لر ، صاغه صوله براز میل
 ایته لرله آزجق دها یورودک . بو حالده « عکاریه » یه
 چیقماق ضروری ایدی . کینک اوفاجق فلوقه سیله قره یه
 چیققدق . اوزریمزه هجوم ایدرجه سنه کلن بش آلتی
 مرکبچینک حیوانلرینی طوتارق براییکی چانطه ایله آطه نک
 ایچنه دوغرو کیردک ؛ « بحرین » ک بلده مرکزیه سی
 اولان « منامه » یه کیدیوردق . کیمز ایرتسی صباح
 اورایه کله رک ایشامزی چیقاراجقدی .

*
**

کچدی کمز یوللر هپ حورمالقدی . بورالرده نادر
 کورولن برطراوت نوبهار ایچنده هر طرف کولیوردی ؛
 مناظر پک خوش و تازه ایدی . بونک سببی اولکی
 کونکی شدید فورطنه نک آطه بی سیلاره و حتی طوفانلره
 غرق ایتدیکی ایمش . چونکه « منامه » یه کیردی کمز

وقت سوقاقلری بوتون قاتال حالنده صودولو بولوق .
 کمرکک اوکنده کی امتعه تک دوچار خسار اولدوغنی ،
 شکر چوواللرینک بربرینه یاپیشدیغنی کوردک . اهالی بویه
 بر فورطنه یی قرق سنه در کورمدکلرینی سوبلیورلردی .
 قومسال یرلرده مدهش اویوقلر ، اوچوروملر آچیلمشدی .
 فقط بحرینک بوچدی کمز یرلرنده کندینه مخصوص
 بر کوزه لک واردی . براز طاشلق وقومسال اوواجقلر ،
 حورمالقلر کنارنده ، صاری ، بیاض ، قویو قیرمیزی
 قیرچیچکلری آچمشدی . رنگلر عمومیتله نشئه لی ایدی .
 بعض حورمالقلرک ایچنده کوزوکن اون بش یکر می نه ولی
 کویجکلرک منظره سی خوشدی .

ینه سیاه و لاجورد بزلردن کنیش البسه کیین
 قادینلرنده رفاهک افاضه ایتدیکی بر سر بستئ نظرله
 باش وبویونلرنده فضله تزینات ، وچهره لرنده اسمر ،
 صولفون اولقله برابر وقعه جویانه بر جاذبه ، سرت باقیشلی
 بر حسن و آن کوریوردم . بونلرک اکثریتله انداملری
 وکوزلری پک کوزهل ، روش و حرکتلری خرام
 و عشویه قریب ایدی . ایکی ساعت صوکره « عالی »
 ده نیلن قریه تک جوارینه ایندک ؛ ایکندی نمازی قیلندقدن
 صوکره برازده استراحت ایدلدی .

بوراده بلکہ یوزلرجه تپه لردن باشقه برشی کورونمه بن
 پک عتیق بر شهر خرابه سی واردی . انکلیز آثار عتیقه
 علماسندن بر ذات حفریات اجرا ایتدیریور ؛ بحرین
 شیخی علی بن عیسانک محبوسلرینی قونسولوس واسطه سیله
 جلب ایده رک بوراده چالیشدیریوردی . بو خرابه درت
 بیک سنه لک ایش . تپه جکلرک ایچنده ظهور ایدن
 مغاره لرده بولونان اموات ، هپ آیاقده اولدقلری حالده
 موفون ایشلر . بونلرک قبرلری دار و طولانی حجره لر
 طرزنده ایش . انکلیز عالمی آراشدیرد مسده او آنده
 زرده اولدوغنی تماماً او کره نه مدیکمدن مشغولیتی حقنده
 تفصیلات آلامق سزین کچدم . شو قدر که « بحرین »
 آطه سی اسکی مصر لیلر دورنده مقدس ، وبلکه ده بویوک
 برکاهنک مقری ایش . بورایه زیارت ایچون کلیرلر مش .
 او کمزده بر بو چوق ساعتک ده مسافه واردی ؛
 حیوانلریمزی سرعتله یوروتیورایدک . بودفعه کذرکاهمز
 تسادف ایدن واسع بر دره نظر دقتمی جلب ایتدی ،
 چونکه بحرین جزیره سنده بویله کنیش آقار صواولمادیغنی
 بیلوردم . فی الحقیقه بونک ده کیزدن کیره ن بر صو
 اولدوغنی سو بیلدیلر . بو صو ایله خورمالقلری سقی
 ایدیورلر مش : صوی خورما آغاجلرینک اطرافنده

دولاشدیرارق ، دوغروندن دوغرویه کوکنه ایصال
ایتمه دکلری ایچون میویه ضرری دو قونمبور ایمش . ده
صوکر ابرقاج صویه تصادف ایتدک . « منامه » قصبه سنه
این منبیه ده کوردک . بو آطه نك منبعلری ده عموماً
« نجد » ده کیلر کبی طوزلو وقابا صولدر . بونلرک
مستکره طعمی قهوه ده وخصوصاً چایده پک حس اولتور .

*
**

غروب شمسله برابر « منامه » بلده سنک کنارینه
واصل اولدق . اینه جکمزیر ، بحرین و هفوفده بویوک
تجارتخانه لری اولان « قصبی » نك قوناغی ایدی .
مر کبجیلردن برینی ایلری به قوشدورمشدق . یارم ساعتک
بر مسافه ده قوناق یریمزه کلدک ؛ قوناغک اوست
قائده کی مستطیل وکنیش سالوننه یرلشدک . کیمز هواسنی
بولدوغی حالده صباحلین (منامه) یه کله جکدی .

آقشام یمکی زمانی اولمشدی . سالونک اورته سنه
ده کیرمی وبویوک حصیری علی العاده یایدیلر . کنارلردن
ایکی کیشی طومش بویوک بر سینی کتیردیله ، بونا
تپه لاهمه بیلاو دولدورولمش و بیلاوک اوستته ده بر
قوزو قیزارتمه سی قونمش ایدی . سینی نك اطرافنده

حصیرك بوش یرینه قرق اللی قدر طابق دیزدیله .
 بونلرك هپسندنه متنوع یمكلكر وار ایدی : باتاتس ،
 قاباق ، طاووق ، طورشو ، محلی ، لقمه ، بر نوع
 اكمك قیریخی ایله قاورولش صوغاندن معمول تیریت ،
 یالکنز قیسه ، دوماتس ، موز ... الخ

یمككن صوكراساده قهوه ، بر ساعت كچنجه سودلی
 چای ! صوكراساده قهوه ، دها صوكراساده آرتق اویقو ...

۱۲ مارت ، جمعه صبحی ارکندن قالدیم . لکن-

ابریق کتیریلهرک آل یوز ییقاندی ؛ اوفالمش وئەزیک
 اوملت کبی پیشیریلهرک برکاسه یه دولدورولمش یورطه ایله
 تره یانغی ، بال ، اكمك کتیردیله . دون اقشامکی یمكده
 اكمك یوق ایدی . چونکه او سینی دولوسی پیلاو ،
 هر شیله برابر ینمک واکمک یرینه کچمک اصولدندر .
 ایجه اكمک یدم ! بو نعمت عظیمای کوره جکم کلشدی .
 یدی آیدر بصره دن دونه لی هفوفده اوطور اقلی ، وقوملی
 اوندن طاندرده پیشمش اینجه جک ولذتسز اولقله برابر
 بر کون بایاتلایجه لاستیک کبی اولان اكمكدن ، کونده
 آنجق بر لقمه - واوده ایسته میه رک - ایصیرمقندن باشقه
 چاره یوقدی . بو اكمك بجه کبرا سفره لرینک اک
 معتنابه یمكلكرندن دها مهم وشایان التفات ایدی .

کیمزه شدتله منتظر ایدک . ده کیزه ناظرینچره لردن
دوربین ایله آرا صیرا کمیی آراشدیریوردم . او ائنده
بی بصره یه کوتوره جک اولان انکلیز واپورینک کلدیکنی
خبر ویردیله .

کیمزده بر مدت صوکره کوروندی . آرادن بر
ساعت کچمه مشدی که کیمده عائله سیله قالان ناحیه مدیری
افندی ایله خدمتچیم وکینک قبودانی کلدیلر . ناحیه
مدیرینک چهره سی پک متغیر حالده ایدی .

غریب بر خبر اولارق اوچ چو جو غندن اک کوچوکی
اولان درت آیلق اوغلنک اوکیجه وفات ایتدیکنی و بو
صبح کیمده همان ییقاریق بحرینه چیقاروب دفن ایتدکاریخی
سویلدیلر ! زواللی آدم آغلیوردی . هم آجیدم ، هم
او آرالق ایچنده بولوندوغمز جهان سفالتدن زواللینک
حسسر بر چاغده چکیلوب کیتدیکنه غبطه ایتدم ...

سوقاغه چیقارق اسکله نک وکمرکک اوکنده کزدک .
بحرینک ترقیسی شایان دقتدی : کچن سنه اورادن کچرکن
کور دوکم اسکله بو دفعه ده کیزه دوغرو دها چوق
ایلریله مش وویومشدی : بر طرفدن ینه طاش دولدور-
یورلردی . آاز زمان ظرفنده ، اموال تجاریه بی وضع
ومحافظه ایچون جسم آنبارلر یاییله جغنی ده سویلدیلر .

آطه نك كویا صاحب و حاکی اولان شیخ علی بن عیسی به بو آنبار لرك یا بیلمسنى تکلیف ایتمشله . چونکه کمرک حاصلاتی کاملاً مومی الیه عاندر .

اون طونلق قوجه بر واپور « قالكوته » دن یوز اون درت بیک چووال پرنج کتیرمش ، بوتون قایقاری کندینه حصر ایله حموله سنی علی الدوام بوشالتدینی حالده دهها یاری به کلمه مشدی . کمرک واسکله نك اوکنی تشکیل ایدهن میدانده کچیله جک یر یوقدی . ایشته بونلر وبوکا مائل هر نه کلیرسه ، بحرینک صرف ایده جکی شویله دورسون ، کافه سی بزم « قطر » ، « عجیر » ، « قطیف » اسکله لرینه یلکن کیمار یله سوق اولنیور . چونکه بزه بو ایشی کوره جک وسائطمز کاملاً مفقوددر .

*
**

بحرینده تاجر وصاحب عقار مسلمانلردن ی . ک ایله کوروشدم . بحرینه کلدیکی ایشیدهن ونی کورمک ، طانیق ایستین بو آدمه سوقا قدمه تصادف ایتم . بنی بوپوک بر آرزوی ملاقاته ایله یازیخانه سنه کوتوردی . ماصه سنک اوزرنده مصرک « المقتطف » و « المنار » مجموعهلرینی کوردم ، هر ایکیسنده کوز کزدیردم .